


Taksat e Mjedisit në Shqipëri 2018

Tiranë, më 16 Korrik 2020: Në 2018, të ardhurat nga taksat mjedisore arritën në vlerën e rreth 51 miliardë lekë, duke u rritur me 7,34 %, krahasuar me vitin 2017. Kjo rritje ka ardhur kryesisht nga rritja e të ardhurave nga taksat e transportit.

Fig. 1 Të ardhurat nga taksat mjedisore (milionë lekë)



Tab. 1 Të ardhurat nga taksat mjedisore sipas llojeve (milionë lekë)

	2014	2015	2016	2017	2018
Taksat e Energjisë	27.312	22.924	24.539	25.244	25.175
Taksat e Transportit	14.892	19.255	21.342	20.301	23.689
Taksat e Ndotjes	1.889	1.782	1.880	1.905	2.074
Taksat e Burimeve Natyrore	14	19	16	20	20
Gjithsej	44.107	43.980	47.778	47.470	50.957

Nga struktura e të ardhurave të taksave mjedisore për vitin 2018, taksat e energjisë zënë pjesën më të madhe të të ardhurave me 49,40 %, të shoqëruar nga taksat e transportit 46,49 %, taksat e ndotjes me 4,07 % dhe taksat e burimeve natyrore me 0,04 %.

Gjatë vitit 2018, të ardhurat nga taksat e transportit janë rritur me 16,69 %, ndërkohë që të ardhurat nga taksat e ndotjes janë rritur me 8,87 %. Gjatë së njëjtës periudhë të ardhurat nga taksat e energjisë kanë rënë me 0,28 %, kurse të ardhurat nga taksat e burimeve natyrore kanë rënë me 1,92 %.

Tab. 2 Struktura e të ardhurave nga taksat mjedisore sipas llojeve (%)

	2014	2015	2016	2017	2018
Gjithsej					
Taksat e Energjisë	61,92	52,12	51,36	53,18	49,40
Taksat e transportit	33,76	43,78	44,67	42,77	46,49
Taksat e Ndotjes	4,28	4,05	3,93	4,01	4,07
Taksat e Burimeve Natyrore	0,03	0,04	0,03	0,04	0,04

Në 2018, pesha e të ardhurave nga taksat mjedisore ndaj Prodhimit të Brendshëm Bruto (PBB) është 3,12 %, duke pësuar një rritje me 0,06 %, krahasuar me 2017.

Të ardhurat nga taksat mjedisore, në vitin 2018, përbëjnë 12,15 % të totalit të të ardhurave tatimore dhe kontributeve shoqërore duke pësuar një rritje me 0,24 %, krahasuar me 2017.

Tab. 3 Të ardhurat tatimore mjedisore (%)

	2014	2015	2016	2017	2018
Gjithsej					
Pesha që zënë të ardhurat e taksave mjedisore ndaj Prodhimit të Brendshëm Bruto(PBB)	3,16	3,07	3,24	3,06	3,12
Pesha që zë në të ardhurat e taksave mjedisore ndaj taksave në total dhe kontributeve shoqërore	13,13	12,85	12,92	11,91	12,15

2017* Finale PBB

2018** Gjysmë-finale PBB

Metodologjia

Përkufizime

Llogaritë e taksave të lidhura me mjedisin

Taksat mjedisore konsiderohen si një instrument ekonomik për të kontrolluar ndotjen dhe menaxhimin e burimeve natyrore dhe ato janë konceptuar për të ndikuar në sjelljen e bizneseve, prodhuesve dhe konsumatoreve. Taksat mjedisore janë pjesë e llogarive ekonomike në mjedis, pjesë e një sistemi satelitor të llogarive kombëtare.

Të dhënat e taksave mjedisore janë siguruar nga Ministria e Financës. Të dhënat e taksave të energjisë, transportit, ndotjes, dhe burimeve janë subjekt rishikimi. Për më shumë referohu:

<http://www.instat.gov.al/al/rreth-nesh/cilesia-statistikore.aspx> Politika e revizionimit statistikor.

Në vazhdim janë katërgrupime të mëdhatë taksave të mjedisit:

1. Taksat e energjisë

Taksat e energjisë (duke përfshirë karburantin e makinave) përfshijnë taksat mbi prodhimet e energjisë në vend, si dhe prodhimet e energjisë që përdoren edhe për qëllime të transportit. Këtu përfshihen edhe tatimet mbi bio-karburantet dhe format e tjera të energjisë nga burimet e rinovueshme, si dhe taksat mbi rezervat e produkteve të energjisë.

2. Taksat e Transportit

Taksat e transportit (me përjashtim karburantin e makinave) i referohen kryesisht taksave të lidhura me pronësinë dhe përdorimin e automjeteve. Këto taksa përfshijnë edhe taksat mbi mjetet e tjera të transportit (si avionët, anijet dhe trenat, etj) dhe shërbimet e tyre.

3. Taksat e Ndotjes

Taksat e ndotjes përfshijnë emetimet e matura në ajër dhe shkarkimet në ujë, menaxhim të mbetjeve të ngurta dhe zhurmës etj. Përfshihen këtu tatimi mbi emetimin e CO₂, i cili mbulohet nga kategoria taksave të energjisë.

4. Taksat e Burimeve Natyrore

Taksat e burimeve natyrore përfshijnë taksat për nxjerrjen apo shfrytëzimin e burimeve natyrore (ujë, pyje, kafshë të egra, etj)

TVSH dhe taksat e tjera nuk përfaqësojnë një taksë me ndikim direkt parandalues ose frenues të produkteve që dëmtojnë mjedisin, si dhe nuk përdoret në forme ekskluzive për mbrojtjen e mjedisit. Si rezultat këto taksa janë të përjashtuara nga këto vlerësime.

Lista kombëtare e taksave paraqet pikënisje për vlerësimin e të ardhurave nga taksat mjedisore. Metodologjia e përdorur për llogaritjen e tyre është bërë në përputhje me Rregulloren (BE) Nr 691/2011 dhe udhëzimet e Eurostat: "Taksat mjedisore, një udhëzues statistikor". Këto të dhëna janë të harmonizuara me Sistemin Evropian të Llogarive Ekonomike (ESA 2010).